
МАРҒИЛОНЛИК ЧЕМПИОНЛАР

Марғилон шаҳридаги 2-БЎСМ тарбияланувчилари эришаётган ютуқлар салмоқли. Айниқса, жорий йил марғилонлик спортчилар учун омадли бўлди.

Руминиянинг Меджидиа шаҳрида қўл жанги бўйича ёшлар ўртасида ўтказилган жаҳон чемпионатида БЎСМ тарбияланувчиси Шаҳбоз Хайруллаҳўжаев ўз вазн тоифасида (46 кг.) ғалаба қозониб, фахрли 1-ўринни эгаллади. Мураббий Камолиддин Акбаровнинг умидли шогирди, икки карра жаҳон чемпиони Ш.Хайруллаҳўжаев мамлакатимиз спорти шарафини муносиб ҳимоя қилиб, ёруғ юз билан қайтди.

Шу йил октябрь ойида Олмалик шаҳрида бокс бўйича Ўзбекистон чемпионатида мураббий Исмоилжон Рустамовнинг 3 нафар шогирди –Абдулазиз Муҳаммадаминов, Жасур Муқимжоновлар 1, Яҳёхон Саидхонов 2- ўринларни забт этишди.

Фарғона шаҳрида сентябрь ойида баскетбол бўйича Ўзбекистон кубоги мусобақаси ўтказилди. Мусобақада спорт мактабининг баскетбол мураббийи Рустам Дадахоновнинг шогирдлари Мавлуда Маҳмудова, Малика Раҳимова, Феруза Солиева ва Зиёдахон Ҳасановалар вилоят терма жамоаси сафида иштирок этиб, фахрли 2-ўринни эгаллашди.

М.САЛИМОВА.

2017-10-26 15:33:35